



Uunga:

Inatsisartut aningaasaqarnermut akileraartarnermullu
ataatsimiititaliaat

**Aningaasaqarnermut ataatsimiititaliamiit isumasioqatigiinnermi apeqquaqatitut
AIS 2014-imut tunngatillugu akissuteqaatit**

Matumuuna Inatsisartut aningaasaqarnermut akileraartarnermullu ataatsimiititaliaanniit
uannut 2014-imut aningaasanut inatsisissatut siunnersuutip aappassaaneerreqarnera-
nutt atattillugu apeqquaqatit akissuteqarfigineqassapput.

Apeqqut 1

Apeqqummut tunuliaqutaasoq:

Naalakkersuisunut ilaasortap apeqqummut 11.3-mut konto pingaarneq 64.01.04
pillugu akissutaa.

Isumasioqatigiinnermut atattillugu Aningaasaqarnermut Ataatsimiititaliap
apeqqutai:

- a) Konto pingaarnerup 40.91.03-p aamma 64.01.04-p
Naalakkersuisoqarfiup ataatsip ataanut ilineqarnissaannut pitsaaqutit
ajoqutillu aammalu taamatut ataatsimoortitsineq naapertuunnersoq
paasisutissiissutigineqassasut ataatsimiititaliamit kissaatigineqarpoq.

Akissut: Konto pingaarnerup 40.91.03-p Pikkorissartitsisarneq, - si-
unertaraa pikkorissartitsinernut / ilinniaqqittarnernut tapiissuteqartarneq,
suliffeqarnermi suliamik ilinniarsimanngitsunut ilinniarsimasunullu, tama-
tumunnga ilanngullugit suliffissaaleqisunut saaffiginittut.

Konto-mi pingaarnermi 64.01.04-mi Piginnaasanik ineriartortitsinermi
pikkorissarnerit, - pingaarnertut siunnerfigineqartut tassaapput suliamik
ilinniagaqarsimanngitsut suliffissaaleqisut imaluunniit inuussutissarsiutini
nalorninartorsiorfiusuni suliffeqartut, kiisalu inuit ilinniaqqinnissamik / pig-
innaanngorsarnissamik pisariaqartitsisut, suliffeqarnermi sulif-
fissaaleqisoqartillugu aammali sulisussanik piginnaanngorsarsimasunik
amigaateqartoqartillugu sukkasuumik eqaatsumillu ilinniartitsinermik
ingerlatsisoqarsinnaanngorlugu, suliassaqarfinnut sulisussanik ami-
gaaateqarfiusunut sammititaasumik.

Konto-t pingaarnerit taakkua marluk suliffeqarnermi suliniutinut taamaalil-
lutik sammititaapput. Suliffeqarnermi sakkussani pigineqareersuni anner-
tutisamik iluagusiisoqarsinnaavoq, - soorlu piginnaasanik pigineqareer-
sunik nalilersuisarnertigut, piginnaanngorsaqqititsisarnertigut, sumiiffim-
miit sumiiffimmut allamat nikilertorsinnaatitsinikkut, internet-imi sulif-
fissanut quppersagaalersussakkut, ingerlaavartumik suliffeqarnermi su-
liniutinik ingerlatsinikkut aammalu suliffeqarnermut tunngasumik Piareer-

11. oktober 2013
Sagsnr.
Dok. Nr.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

sarfinni suliniuterparsuartigut, - piginnaangorsaaqqilluni suliniutaasut Naalakkersuisoqarfimmi piginnaasanik qanoq ittunik inuussutisarsiorituni pisariaqartitsisoqarneranut tunngasumik ilisimasaqarfiusumi suliniutaasut inissisimappata. Minnerunngitsumik inuussutissarsiutinut aatsitassarsiornermi takornarialerinemilu ineriartorfiusunut tunngatillugu. Isumannaarneqassaaq sulisunik piginnaangorsaaqqinneq ilinniartitsisarnerillu inuussutissarsiornermi suliffeqarnermullu politikkimi suliffissanik amerlanerusunik pilersitsiniarluni suliniuteqarfiusunut taper-sersuisuunissaat. Tamannalu immikkut aatsitassarsiornermi suliniutaasut ineriartortinneqarnerannut atatillugu pingaaruteqarpoq, tassanimi siunissami suliffissaalersussat suliamik ilinniagaqarsimangitsunut suliamillu immikkut aalajangersimasumik sammivilinnut ilinniarsimasunut sammititaanissaat naatsorsuutigineqarmat, taakkualu piginnaangorsarsimassusiat aalajangiisuulluinnassalluni najugaqavissut suliffissanut tamakkununga inuttaliisinnaassappata.

Konto-t pingaarnerit taakkua marluk Naalakkersuisoqarfiup ataatsip ataanut inissinneqarnerisa pitsaanngequtigisinnaasaat tassaasinnaavoq suliniutaasussat suliffeqarnermut sammititaasussat aammalu suliniutaasussat ilinniartitaanermut sammititaasussat pillugit naammattumik ataqtigiissaarisooqannginnissaa.

Konto-t pingaarnerit marluk piginnaangorsaaqqinnernut tapiissuteqartuusarnerinut pingaarnertut tunngavisoq tassaavoq suliniutaasussat qanoq ittuunissaanut isumannaagassat assigiinngitsuusarmata aningaasaliissuteqarnissani, naak sullinneqartut taakkuugaluartut piginnaangorsaaqqinnerni ilinniaqqittarnenilu. Konto-p pingaarnerup aappaaniit suliniutaasussat ilinniartitaanermi politikki tunngavigalugu aqqis-sunneqartarput, konto-llu pingaarnerup aappaaniit suliniutaasussat suliffeqarnermi politikki tunngavigalugu siunnerfilerneqartarlutik.

Apeqquut 2

Apeqquummut tunuliaqutaasoq:

Apeqquummut 11.5-imut Naalakkersuisup akissutaa konto-mut pingaarnermut 64.01.06-imut tunngatillugu.

Aningaasaqarnermut ataatsimiititaliap isumasioqatigiinnermi apeqquutaa:

- a) Apeqquutini akineqanngitsut ataatsimiititaliaq isumaqarpoq. Apeqquut toqqaannarnerusumik akeqqullugit Naalakkersuisoq qinnuigineqarpoq.

Akissut: Aatsitassarsiornermut suliniutinut konto-p siunertaraa aatsitassarsiornermut oliasiornermullu tunngatillugu anguniakkat piffissami pineqartumi atuuttut eqqortinneqarnissaat aammalu aatsitassanut ikummatissanullu tunngasumik kalaallit periarfissaatitaasa ussassaarutiginnissaat. Aatsitassanut tunngasumik suliniutit ataatsimoorussamik suliniutitut Inuussutissarsiornermut, Aatsitassarsiornermut Suliffeqarnermullu Naalakkersuisoqarfiup aammalu GEUS-ip suliniutaattut ingerlanneqartassapput Namminersorlutik Oqartussat namminersorneq pillugu inatsimmi § 9 naapertorlugu pisussaaffiisa naammassineqarnis-

saat GEUS-imullu isumaqatigiissutaasimasut tunngavigalugit siunertaasut naammassiniarlugit.

Kalaallit Nunaannut tunngasumik soqutiginninnerup annertunerulersimasup aatsisassanik piiarneqarsinnaasunik misissuinernut tunngatillugu, aammalu aatsitassarsiorfiit amerlanerusut piviusunngortinniarneqarnerat annertuumik aatsitassanut tunngasumik naapisimaartoqartarnerani ataatsimeersuortoqartarneranilu ussassaaruteqartarnermik tunngaveqarpoq. Ussassaaruteqartarnertigut suliniutit Naalakkersuisoqarfimmit aammalu GEUS-imit ingerlanneqartut ilisaritinneqartarput. Nunap sananeqaataanut tunngasunik ilisimasat annertussusiat aatsitassarsiorfiit oliasortitseqatigiillu misissueqqissaarnernik ingerlatsinissanut tullerijaaarisarnerini aalajangiisuulluinnarput. Tamatumunngalu atatillugu suliniutinut tunngasumik konto qitiulluinnarpoq, sananeqaatinut tunngasumik paasissutissanik katersisarnerni, sumiiffinni imaluunniit nunap immikkoortuini aatsitassarsiorsinnaanermut periarfissat nalilersorneqartarneranni.

Namminersorneq pillugu inatsimmi § 9 imaattunik oqaasertaqarpoq:

§ 9. *Kalaallit Nunaanni Namminersorlutik Oqartussat atortussiassanit aatsitassarsiornermik tunngasunik suliassaqarfimmik tigusineranni Danmarkimi naalakkersuisut qulakkiissavaat Namminersorlutik Oqartussat atortussiassanit aatsitassarsiornermik tunngasunik ingerlatsinermut atatillugu akiliillutik siunnersorneqarnissaat allatigullu suliameqanngit immo ingerlatsinissaat.*

Imm. 2. Naalakkersuisut aamma Danmarkimi naalakkersuisut Kalaallit Nunaanni Namminersorlutik Oqartussat atortussiassanit aatsitassarsiornermik tunngasunik suliassaqarfimmik tigusinerat aallarnerfigalugu imm. 1-imi taasanik sullissinissamik isumaqatigiissuteqassapput.

Imm. 3. Naalakkersuisut aalajangersinnaapput isumaqatigiissut imm. 2-mi pineqartoq ukiunut arlalinnut atuuttumik isumaqatigiissutitut ilusilerlugu nutarterniarlugu.

Imm. 4. Imm. 2 aamma imm. 3 malillugit isumaqatigiissuteqartoqartillugu Danmarkimi naalakkersuisut Kalaallit Nunaanni atortussiassanit aatsitassanik pisunik misissueqqissaarnermut tunngasumik ilisimatusarneq immikkut pingaarutilik Naalakkersuisunut akeqanngitsumik atugasannngortissavaat.

Inatsisissatut siunnersuummut nassuiaatini § 9-mut atatillugu ilaatigut imaattunik nalunaarsuisoqarpoq:

” § 9-mut

..... Imm. 2-mut tunngatillugu aalajangersakkap kinguneraa piffissami aatsitassanut ikummatissanullu tunngasumik suliassaqarfiup tiguqartarneraniit Naalakkersuisut aammalu danskit Naalakkersuisut

isumaqatigiissuteqassasut akiliutaasussat imm. 1-mi pineqartut pillugit. Isumaqatigiissut ukiunut tallimanut atuuttussatut isumaqatigiissutaasasasq naatsorsuutigineqarpoq. Taamaalilluni isumannaarneqassaaq Naalakkersuisut akiliutaasunut pisinnaatitaaffeqarnerat piffissami ukiunik tallimanik sivilissuteqartumi, taamaaliornikkullu anguniarneqassalluni misissueqqissaarnerit suli annertussuseqarnissaat, Kalaallit Nunaanni aatsitassanit ikummatissanillu iluaquteqarnikkut isertitassaqaarnissaq eqqarsaatigalugu. Piffissap isumaqatigiissuteqarfiusup ukiunik tallimanik sivilissusillip siulliup imm. 3 naapertorlugu naanerani Naalakkersuisut aalajangissavaat isumaqatigiissut ukiunut arlalinnut atortinneqartussamik nutaamik taarserneqassanersoq.

Naalakkersuisut danskit Naalakkersuisuinut aatsitassanik iluaquteqarniarneq pillugu isumaqatigiissuteqarallartillugit aningaasaliissutit pineqartut eqqarsaatigalugit, aatsitassanik iluaquteqarniarnermut atatilugu, aalajangersakkani pineqartuni imm. 2 aamma 3 naapertorlugit, danskit naalakkersuisuisa imm. 4 naapertorlugu ilisimatusarnermik ingerlatsineq atugassiissutigissavaat, Kalaallit Nunaanni aatsitassanik ikummatissanillu ujaasinermut atatilugu immikkut Naalakkersuisunut akeqanngitsumik. Tamatumani eqqarsaatigineqarput tunngaviusutigut ingerlatsineq ilisimatusarnerlu, tamatumunnga ilanngullugit qarasaasiatigut paasissutissat ilisimasat pigisat, aatsitassanut tunngasunik paasissutissaatit aammalu nunaminertanut allanngujasunut tunngasumik paasissutissaatit GEUS-imit aamma DMU maannamut suliarineqartartut, Kalaallit Nunaannilu aatsitassanik ikummatissanillu ujaasinermut attuumasuteqartut.”

Ingerlaqqillunilu namminersorneq pillugu inatsimmi § 9 naapertorlugu Namminersorlutik Oqartussat allaaserineqartut iluaquteqarsinnaaneranut atatilugu tunngaviuvoq Namminersorlutik Oqartussat tigussaasunik siunnerfilinnillu aatsitassarsiornermi suliniutaasussanik il.il. suliariumanittussarsiuussisarnissaat, aatsitassarsiornermut oqartussaaffiup tiguneqanngikkallarneratulli annertussuseqartunik. Sananeqaatit pillugit suliniutit siuliani eqqaaneqareersutut Inuussutissarsiornermut, Aatsitassarsiornermut Suliffeqarnermullu Naalakkersuisoqarfiup aammalu GEUS-ip ataatsimoorussamik ingerlattassavaat, suleqatigiinnissamut isumaqatigiissutaasup killiliussaasa iluanni, konto-milu pingaarnemi 64.01.06-imi aningaasaliissutaasut atorlugit.

Ataani assersuutitut suliniutinut konto-p 2014-imi atorneqarnissaanut aningaasaliissutit takuneqarsinnaapput, tkr.-inngorlugit.

Suliniut oliasiornermi sananeqaatini periarfissat 1.500

Suliniutit aatsitassarsiornermi sananeqaatit periarfissat

(Pinngortitami nukinnut tunngasumik paasissutissanik katersineq, rubinimut tunngasumik suliniut, zink-imut tunngasumik suliniut, paasissutissanik katersineq) 8.900

Ussassaarinermit suliat (Saqqummersitsinerit, workshops, qarasaasiani quppersakkanut tunngasumik suliniutit)	1.142
Katillugit	11.542

Apeqqu 3

Apeqqummut tunuliaqutaasoq:

Apeqqu 11.8-mut Naalakkersuisup akissutaa konto-mut pingaarnermut 64.13.23-mut tunngatillugu.

Aningaasaqarnermut Ataatsimiititaliap isumasioqatigiinnermut atatillugu apeqqutai:

- a) Apeqqu a aamma b-mut atatillugu paasissutissat amigaataasut Naalakkersuisunit sooq pissarsiarineqarsinnaasimannginnersut, taakkulu qaqugu tiguneqarnissaat ataatsimiititaliamit naatsorsuutigineqarsinnaanersoq paasissutissiissutigineqassasut ataatsimiititaliamit kissaatigineqarpoq.

Akissut: Misiltsinnissamut piareersarfiusumik ilinniartitaanermit angusat (aamma FA-mik taagorneqartoq) Inerisaaviup database-anut nalunaarsorneqassapput. Database taanna Inu:it-mit programmiliorneqarpoq, piffissamilu matumani taakkua aqqissuussineq malinnaatinniarlugu sulipput. Malinnaatitsineq taanna Inu:it-mit naatsorsuutigineqarpoq oktobarip naalernerani naammassissasoq, tamatumalu kingorna misiltsinnerni paasissutissat kingullit anillatsinneqarsinnaalissasut, taakkualu Aningaasaqarnermut Akileraartarnermullu Ataatsimiititaliamut ingerlatsineqarumaarput.

- b) Piareersarfiit ilitsersuinermit piginnaangorsaanermillu pingaarnertut suliasaminik isumaginninnerata pitsaassusaanik sunniuteqarneranillu nalilersuinissaq Naalakkersuisunit isumaliutigineqarsimava?

Akissut: Piareersarfiit siunnersuinermit piginnaangorsaanermit suliaminnik ingerlatsinerat ingerlaavartumik nalilersorneqartarpoq. Kingullermillu Naalakkersuisoqarfiup 2012-ip ukiuata affaani kingullermit nunatsinni Piareersarfinnik nalilersuineq ingerlappaa. Nalilersuinikkut tassuuna saqqummiunneqarput piffissamut qaninnerusumut aammalu ungasinnerusumut inassuteqaatit, taakkualu Naalakkersuisoqarfiup Piareersarfiit suleqatigalugit malitseqartinniarlugit sulineq ingerlappaat.

Inatsisartut ukiaanerani ataatsimiinnerata matuma nalaani (UKA2013) saqqummiunneqarpoq ilinniartitaanermit inuussutissarsiutitaarniermullu Inatsisartut inatsisissaattut siunnersuut nutaaq. Inatsisartullu inatsisissaanni tassani siunnersuinermit suliasat pineqartut amerlasuullu pillugit akisussaaffinnut erseqqissaatit suliarineqarput, akisussaaffiit Piareersarfinniittut, kisiannili aamma ilinniarfinni assigiinngitsuni meeqqallu atuarfianni inissisimasut eqqarsaatigalugit. Naatsorsuutigaarput siun-

nersuisarnej pillugu inatsisissap nutaap akuersissutigineqarneratigut tigussaasumik siunnersuisarnej pillugu allaaserinninnerit Piareersarfinni siunnersuineramik ingerlatsineq nukittorsaavigissagaa.

Naalakkersuisoqarfiulli ingerlaavartumik piginnaanngorsaanerni ingerlanneqartuni nalilersuisarnej suliaraa, naatsorsuutigalugulu Inerisaaviup karakterinut databasiata ujarlertarnernut aqqissuussinissaa piareersarnejartoq naammassippat tigussaanagerusunik sulilu eqqornerusunik sumiiffinni ataasiakkaani pisariaqartitsineq naapertorlugu suliniutinik ingerlatsisinnaalissalluni, aammalu nalilersorsinnaalissallugu misilitsinnerni inernerusut Piareersarfinni ataasiakkaani naammaginartuusarnersut eqqarsaatigalugit.

Apeqqu 4

Apeqqummut tunuliaqutaasoq:

Apeqqummut 11.9-mut Naalakkersuisup akissutaa konto-mut pingaarnermut 64.13.25-mut tunngatillugu.

Aningaasaqarnermut ataatsimiititaliap isumasioqatigiinnermi akineqartussatut apeqqutaa:

- a) Suliffissaaleqinerup immikkut ittumik suliniutigineqarnerata sunniutai Naalakkersuisumit ilisimasaqarfigineqarpat?

Akissut: 2012-imi suliniutaasut nalilersorneqarnerat oktobarip naalernerani piariissaaq, taannalu Aningaasaqarnermut Akileraartarnermullu Ataatsimiititaliamut ingerlatsinneqassaaq.

- b) Ingerlatat assigiinngitsut akissummi nassuiaatigineqartut naammassineqarnerisa kingorna procentit qassit ingerlariaqqittarnersut (assersuutigalugu suliffeqalersimanersut ilinniagaqalersimanersulluunniit) pillugit kisitsisitigut paasissutissanik Naalakkersuisut peqarpat?

Akissut: 2011-mi suliniutaasut nalilersorneqarneranni kisitsisit takutippaat 41 – 44 %-it ilinniagaqalersartut imaluunniit suliffittaartatut. 2012-imi suliniutaasunut tunngasumik kisitsisit oktobarip naanerani saqqummissapput, taakkualu Aningaasaqarnermut Akileraartarnermullu Ataatsimiititaliamut ingerlatsinneqarumaarput.

Inussiarnersumik inuulluaqqusillunga
Med venlig hilsen